
OFFERYNNAU STATUDOL CYMRU

2011 Rhif 2486 (Cy.270)

GARDDWRIAETH, CYMRU

**Rheoliadau Marchnata Cynnyrch
Garddwriaethol Ffres (Cymru) (Diwygio) 2011**

<i>Gwnaed</i>	- - - -	<i>18 Hydref 2011</i>
<i>Gosodwyd gerbron Cynulliad</i>		
<i>Cenedlaethol Cymru</i>	- -	<i>18 Hydref 2011</i>
<i>Yn dod i rym</i>	- -	<i>8 Tachwedd 2011</i>

Mae Gweinidogion Cymru wedi eu dynodi(1) at ddibenion adran 2(2) o Ddeddf y Cymunedau Ewropeaidd 1972(2) o ran polisi amaethyddol cyffredin yr Undeb Ewropeaidd.

Mae'r Rheoliadau hyn yn gwneud darpariaeth ar gyfer diben a grybwyllir yn yr adran honno o'r Ddeddf honno ac mae'n ymddangos i Weinidogion Cymru ei bod yn hwylus i gyfeiriadau at ddarpariaethau Rheoliad Gweithredu'r Comisiwn (EU) Rhif 543/2011(3) yn yr offeryn y mae'r Rheoliadau hyn yn ei ddiwygio i gael eu dehongli fel cyfeiriadau at y darpariaethau hynny fel y'u diwygiwyd o bryd i'w gilydd.

Mae Gweinidogion Cymru'n gwneud y Rheoliadau hyn drwy arfer y pwerau a roddwyd gan adran 2(2) o Ddeddf y Cymunedau Ewropeaidd 1972 a pharagraff 1A o Atodlen 2 iddi(4).

Enwi, cymhwyso a chychwyn

1.—(1) Enw'r Rheoliadau hyn yw Rheoliadau Marchnata Cynnyrch Garddwriaethol Ffres (Cymru) (Diwygio) 2011.

(2) Mae'r Rheoliadau hyn yn gymwys o ran Cymru.

(3) Mae'r Rheoliadau hyn yn dod i rym ar 8 Tachwedd 2011.

Diwygio Rheoliadau Marchnata Cynnyrch Garddwriaethol Ffres (Cymru) 2009

2. Mae Rheoliadau Marchnata Cynnyrch Garddwriaethol Ffres (Cymru) 2009(5) wedi eu diwygio fel a ganlyn.

(1) Yn rhinwedd erthygl 3 o Orchymyn y Cymunedau Ewropeaidd (Dynodi) (Rhif 5) 2010, O.S. 2010/2690.

(2) 1972, p.68.

(3) OJ Rhif L 157, 15.6.2011, t.1.

(4) Mewnosodwyd paragraff 1A yn Atodlen 2 gan adran 28 o Ddeddf Diwygio Deddfwriaethol a Rheoleiddiol 2006 (p.51).

(5) O.S. 2009/1551 (Cy. 151).

Diwygio cyfeiriadau at “rheolau marchnata'r Gymuned”

3. Yn lle “rheolau marchnata'r Gymuned”, ym mhob man (gan gynnwys pennawd rheoliad 4) lle y mae'n digwydd rhodder “rheolau marchnata'r UE”.

Diwygio rheoliad 2

4. Yn rheoliad 2—

(a) ym mharagraff (1), yn lle'r diffiniad o “Rheoliad y Comisiwn 1580/2007”, rhodder—

“ystyr “Rheoliad Gweithredu'r Comisiwn 543/2011” (“*Commission Implementing Regulation 543/2011*”) yw Rheoliad Gweithredu'r Comisiwn (EU) Rhif 543/2011 dyddiedig 7 Mehefin 2011 sy'n gosod rheolau manwl ar gyfer cymhwyso Rheoliad y Cyngor (EC) Rhif 1234/2007 mewn perthynas â'r sectorau ffrwythau a llysiau a ffrwythau a llysiau wedi eu prosesu(6), fel y'i diwygir o bryd i'w gilydd.”;

(b) ym mharagraff (2)—

(i) yn lle'r diffiniad o “rheolau marchnata'r UE” (fel y'i diwygiwyd gan reoliad 3), rhodder—

“ystyr “rheolau marchnata'r UE” (“*EU marketing rules*”) yw'r safon farchnata gyffredinol a'r safonau marchnata penodol sy'n cwmpasu ffrwythau a llysiau ffres a restrir yn Rhan IX o Atodiad I i Reoliad y Cyngor 1234/2007, ac sy'n cynnwys y rheolau sy'n ymwneud â'r safonau hynny a geir yn Erthyglau 113 ac 113a o Reoliad y Cyngor 1234/2007 ac yn Nheitl II o Reoliad Gweithredu'r Comisiwn 543/2011”;

(ii) yn lle'r diffiniad o “safonau marchnata cyffredinol”, rhodder—

“ystyr “safon farchnata gyffredinol” (“*general marketing standard*”) yw gofynion Erthygl 113a(1) o Reoliad 1234/2007 fel y'u rhoddir yn Erthygl 3(1) a Rhan A o Atodiad I i Reoliad Gweithredu'r Comisiwn 543/2011”;

(iii) yn y diffiniad o “safonau marchnata penodol”, yn lle “Erthygl 2a(2) a Rhan B o Atodiad I i Reoliad y Comisiwn 1580/2007” rhodder “Erthygl 3(2) a Rhan B o Atodiad I i Reoliad Gweithredu'r Comisiwn 543/2011”;

(c) ym mharagraff (3), yn lle “Rheoliad y Comisiwn 1580/2007”, rhodder “Rheoliad Gweithredu'r Comisiwn 543/2011”.

Diwygio rheoliad 3

5. Yn rheoliad 3(1), yn lle “Erthygl 8(1)(b) o Reoliad y Comisiwn 1580/2007”, rhodder “Erthygl 9(1)(b) o Reoliad Gweithredu'r Comisiwn 543/2011”.

Diwygio rheoliad 4

6. Yn rheoliad 4(3), yn lle “Rheoliad y Comisiwn 1580/2007”, rhodder “Rheoliad Gweithredu'r Comisiwn 543/2011”.

Diwygio rheoliad 8

7. Yn rheoliad 8(2), yn lle “Atodiad VI i Reoliad y Comisiwn 1580/2007”, rhodder “Atodiad V i Reoliad Gweithredu'r Comisiwn 543/2011”.

(6) OJ Rhif L 350, 31.12.2007, t.1.

Amnewid yr Atodlen

8. Yn lle'r Atodlen, rhodder yr Atodlen ganlynol.

“YR ATODLEN

Rheoliad 4(3)

Darpariaethau o dan Reoliad Gweithredu'r Comisiwn 543/2011

<i>Colofn 1</i> <i>Darpariaeth berthnasol</i> <i>Rheoliad Gweithredu'r</i> <i>Comisiwn 543/2011</i>	<i>Colofn 2</i> <i>Darpariaeth Rheoliad</i> <i>Gweithredu'r Comisiwn</i> <i>543/2011 i'w darllen gyda'r</i> <i>ddarpariaeth yng ngholofn 1</i>	<i>Colofn 3</i> <i>Y pwnc</i>
Erthygl 5(1)	Atodiad I, Erthygl 4(3), Erthygl 5(2) i (4), Erthygl 6, Erthygl 7	Gofyniad cyffredinol ar gyfer manyion gwybodaeth
Erthygl 5(2)	Atodiad I, Erthygl 5(1), (3) a (4), Erthygl 7	Y gofynion ar gyfer manylion gwybodaeth mewn dogfennau sy'n mynd gyda llwythi swmpus a nwyddau a lwythir yn uniongyrchol ar gyfrwng cludo
Erthygl 5(3)	Atodiad I, Erthygl 5(1) a (4), Erthygl 7	Gofyniad ar gyfer manylion gwybodaeth yn achos contractau o bell sydd i fod ar gael cyn cwblhau'r pryniant
Erthygl 5(4)	Atodiad I, Erthygl 5(1) i (3), Erthygl 7	Gofyniad ar gyfer manylion gwybodaeth ar anfonebau a dogfennau sy'n mynd gyda hwy
Erthygl 6	Atodiad I, Erthygl 4(3), Erthygl 7	Gofyniad ar gyfer manylion gwybodaeth yn y cyfnod manwerthu
Erthygl 7(1)	Atodiad I, Erthygl 4(3), Erthygl 6, Erthygl 7(2) a (3)	Y gofynion ar gyfer gwerthu cymysgeddau o wahanol fathau o ffrwythau a llysiau
Erthygl 10(6)	Erthygl 10(1) i (5)	Gofyniad i fasnachwyr ddarparu gwybodaeth a ystyrir gan Aelod- wladwriaethau yn angenrheidiol i'r gronfa ddata
Erthygl 11(4)	Erthygl 11(1) i (3), Erthygl 12, Erthygl 14 ac Atodiad III, Erthygl 15	Gofyniad i fasnachwyr ddarparu i gyrff arolygu bob gwybodaeth sy'n ofynnol ganddynt i drefnu a chyflawni eu gwiriadau cydymffurfio
Erthygl 17(3), yr is-baragraff olaf	Erthygl 10, Erthygl 17(1), (2) a gweddill (3), Atodiad V	Gofyniad i fasnachwyr ddarparu pob gwybodaeth y bernir ei bod yn angenrheidiol

Statws This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

<i>Colofn 1</i>	<i>Colofn 2</i>	<i>Colofn 3</i>
<i>Darpariaeth berthnasol</i>	<i>Darpariaeth Rheoliad</i>	<i>Y pwnc</i>
<i>Rheoliad Gweithredu'r</i>	<i>Gweithredu'r Comisiwn</i>	
<i>Comisiwn 543/2011</i>	<i>543/2011 i'w darllen gyda'r</i>	
	<i>ddarpariaeth yng ngholofn 1</i>	
		gan y corff arolygu ar gyfer
		dull yr arolygiad”.

18 Hydref 2011

Alun Davies
Y Dirprwy Weinidog Amaethyddiaeth, Bwyd,
Pysgodfeydd a Rhaglenni Ewropeaidd, o
dan awdurdod y Gweinidog Busnes, Menter,
Technoleg a Gwyddoniaeth, un o Weinidogion
Cymru

EXPLANATORY NOTE

(Nid yw'r nodyn hwn yn rhan o'r Rheoliadau)

Mae'r Rheoliadau hyn yn rhoi effaith, o ran Cymru, i Reoliad Gweithredu'r Comisiwn (EU) Rhif 543/2011 dyddiedig 7 Mehefin 2011 sy'n gosod rheolau manwl ar gyfer cymhwyso Rheoliad y Cyngor [\(EC\) Rhif 1234/2007](#) mewn perthynas â'r sectorau ffrwythau a llysiau a ffrwythau a llysiau wedi eu prosesu (OJ Rhif L 157, 15.6.2011, t.1) "Rheoliad Gweithredu'r Comisiwn 543/2011".

Mae Rheoliad Gweithredu'r Comisiwn 543/2011 yn cydgrynhoi Rheoliad [\(EC\) Rhif 1580/2007](#) (OJ Rhif L 350, 31.12.2007, t.1) a oedd wedi ei ddiwygio.

Mae'r Rheoliadau hyn yn diwygio Rheoliadau Marchnata Cynnyrch Garddwriaethol Ffres (Cymru) 2009, [O.S. 2009/1551 \(Cy. 151\)](#) er mwyn diweddarau'r cyfeiriadau angenrheidiol at ddeddfwriaeth berthnasol yr UE.

Nid oes asesiad effaith rheoleiddiol wedi ei lunio ar gyfer yr offeryn hwn, gan na ragwelir y bydd yn effeithio ar y sectorau preifat, gwirfoddol na chyhoeddus.